

# 北洋官報

目錄

宮門抄

上諭

交旨

奏議○護直督奏請留員辦理法律學堂片△譚漢哲沈奏臆陳籌備憲政摺

公牘○督憲札一件△禁煙局札一件△出品協會詳一件

文告三則△電報十則△新聞八則

彙編○彙摘江蘇諮議局議案

圖畫○天津金華橋西兩岸全景之圖

本局報今日加印照片一頁

## 宮門抄

十一月初八日 度支部 宗人府 正白旗值日 葵公由 西陵回京請 安 錫侯因子以文職

用謝 恩 嚴修因子以內用謝 恩 敬昌謝 賞加級 恩 湖北知府趙毓楠謝 恩

召見軍機 趙毓楠 趙熙遞封奏一件

## 諭

十一月初八日內閣奉

上諭湖南岳常澧道員缺著熙楨補授欽此

## 交旨

十一月初八日 軍機大臣欽奉

諭旨御史趙熙奏瀝陳川鹽官運積弊請變通辦法一摺著度支部歸入趙爾巽前奏廢票通改官運摺一併詳查核議具奏欽此

### 奏議錄要

護理直隸總督崔奏請將李渠留直仍充法律學堂監督片

再在籍丁憂翰林院庶吉士李渠學識閎通講求教育前經委充直隸法律學堂監督自到差以來盡心整頓不遺餘力任事未久成效昭著茲該員於光緒三十三年三月十八日丁憂之日起扣至宣統元年六月十八日服闋照例呈請起復經學部帶領引見授職編修並加侍讀銜例應在京供職惟堂務關緊重要正賴賢員佐理擬請仍留該員監督法律學堂俾資熟手據臬司何彥昇詳請奏咨前來前督臣端方未及核辦移交到奴才覆核無異

合無仰懇 天恩俯准將該員李渠留直仍充法律學堂監督以維學務並准免扣資俸出自 鴻施除分咨外理合附片具陳伏乞 聖鑒訓示謹 奏宣統元年十月三十日奉 硃批允行該衙門知道欽此

### 護理雲貴總督沈秉堃奏臚陳籌備憲政情形摺

奏為臚陳籌備憲政情形恭摺仰祈 聖鑒事竊查光緒三十四年八月初一日內閣奉 上諭欽奉

慈禧端佑康頤昭豫莊誠壽恭欽獻崇熙皇太后懿旨憲政編查館資政院王大臣奕劻溥倫等會奏進呈憲法議院選舉各綱要暨議院未開以前逐年應行籌備事宜一摺即責成內外臣工遵照單開各節依限舉辦每屆六個月將籌辦成績臚列奏聞並咨報憲政編查館查核等因欽此欽遵在案謹按逐年籌備事宜清單本年督撫應辦事項有八除創設廳州縣簡易識字學塾業經奏明於沿邊土司地面先行試辦俟部頒課本到日即行推廣其舉行資政院選舉已將承准院電札行諮議局遵辦應俟選舉事竣再行具奏至調查歲出入總數曾於本年四月將清理財政局開辦情形據實陳奏目前係從本年季報辦起所有查造春季報告依限咨部各情亦經另摺恭陳惟其餘各項有由前督臣任內開辦臣到護任即繼續辦理者有本年由臣遵章舉辦者茲屆六個月期滿先後飭據各司道同處將籌辦成績陸續具報謹分條撮要為我 皇上敬陳之一日舉行諮議局選舉滇省諮議局籌

辦處開辦於上年九月臣於本年二月內業將籌辦情形縷晰陳奏自斯以後督同籌辦處員紳按照所定辦理選舉日期清單循序准備尅期考成因地處邊僻進化較遲郵電既未徧設文牘之往返綦難官民苦乏新知規章之解釋易誤不得已每於先時嚴札申徹臨事復急電交催奉行最力者獎之玩延逾限者罰之至閏月末三月初先後飭據各廳州縣將各屬選舉人數電稟到臣當將各復選區應出議員額數照章分配復將各初選區應出當選人額數代爲分配飭遵先由籌辦處將初選復選投票開票各細則一一爲之規定並照式製成投票簿投票廳投票紙及初復選當選執照分頒各屬俾便遵用遂恪循奏定日期於四月初二日一律舉行初選於五月初二日舉行復選選舉既畢由臣電招各議員先期到省豫備開會事宜並分飭各司道遵照局章將應行提議事件分別起草由臣悉心審核編成議案以便提議從前勘定之局所因改建議事廳尙未竣工權假省垣三迤會館暫設局所遵於九月初一日成立開會此成立諮議局之大概情形也一日籌辦城鎮鄉自治設立研究所演省地方自治萌芽於光緒三十四年三月初設自治總局於會垣曾由前督臣錫良奏明在案以豫備自治之要不外廣儲自治人才淪啓紳民智識遂一面由局附設研究所輪調各郡士紳入所講習遴延精研法政之士授以關係自治之法學俾先明乎原理更詳究夫事實計上年七月開學是冬畢業一班目前第四班已屆畢業先後修學士紳共三百四十餘人現繼續辦五班則全省郡邑輪調已徧復一面由局編輯自治白話報以淺顯之文言述法制之大意月出數千分派銷各屬務使略識字義之人民曉然於實行自治之利益藉以鼓舞羣情消沮力此皆創始於上年今歲繼續辦理者也厥後因奉文籌辦諮議局愈覺啓發民智之不容緩爰定章程飭設自治宣講所以育成多數選民爲宗旨以自治白話及現行章制爲宣講書以會習法政之士爲講員調查合格人民分區輪聽輪派到班者給以宣講之券聽滿期限者予以証明之書初試辦於會垣繼推行於全省數月以來飭據各屬稟報開講者凡四百三十六所入所聽講者不下二萬人復仿省會研究所辦法飭由各府直隸州各設自治傳習所選調所屬紳董輪赴府州講習而以鄰近之直隸廳附焉即以本省法政學堂及研究所畢業成績較優之士分充講員自去冬定章通行本年二月以後陸續開辦計今畢業二班者有臨安楚雄廣南順甯各府其餘均經辦畢一班入所學習之紳董凡一千二百八十餘人此皆去冬規定辦法本年實力籌辦者也因其時奏定城鎮鄉自治選舉各章暨自治研

究所章程均未頒到故各所學期僅以三四月爲限所講者悉關自治之科學而非現行之法制及奉城鎮鄉自治各章即飭詳明註釋印發添講現將自治總局改爲全省自治籌辦處由處查照研究所定章酌定詳細章程將各府州前設之傳習所改爲該府首縣及該州本屬之研究所並飭各廳州縣一體遵章籌設通限年內成立由處遴委講員尅期開學復由處釐定籌辦自治公所章程及逐年分期辦事清單通飭各廳州縣各設公所依單籌辦先將地方區域及應行調查事項飭查詳報一俟調查就緒各屬研究所學紳將次畢業即可舉行選舉組織自治機關此籌辦地方自治之大概情形也一曰籌辦省城及商埠審判廳司法分立之制在中國實爲創始臣以事關憲政基礎自到護任即率同臬司妥議辦法電咨館部依次籌備並於臬司署內附設審判廳籌辦處以司其事本年四月會將籌備情形詳細陳奏嗣以審判檢查各廳需員甚衆而臬署應設公所尤需司法行政之才當由籌辦處將原設司法講習科酌量推廣添招學員以宏造就惟滇省官吏尙未識法權之關係法官之尊嚴學識并茂之員每不樂入學講習計先後考取入學者約一百二十餘員及經兩次學期試驗取錄仍僅百名而考列中等以上者不及四十人不得已乃飭法政學堂講習科曾經畢業之官吏分領司法科講義俾資研究擬俟設廳有日再爲分別遴用至各級廳署原擬就舊日衙署公屋酌量改修旋撥定寺廟一所公屋二所擬以改建高等地方各廳並勸購附近民地以備擴充另撥裁缺公署一所擬以改建城內初級兩廳餘如城外商埠及各鄉初級廳署或以公所改設或購民地另修均經該處勘明地址規定管轄區域派員繪圖估工當由臣電商督臣李經羲擬俟到任即指撥專款尅日興修總期依限成立無或遲誤此籌辦審判廳之大概情形也一曰籌辦廳州縣巡警滇省巡警惟會垣開辦最先經從前警察總局暨現任巡警道楊福璋繼續整頓日有起色至各屬巡警雖肇始於光緒三十二年之冬經前督臣丁振鐸奏明改團爲警前督臣錫良復通飭各屬就地籌款舉辦而各屬百廢待興牧令每以無款爲辭率請緩辦去歲以來迫於文牘之督責有挪移他項公款暫時開辦者有由地方官紳墊款籌辦者本年復經文電交馳切示辦法並由道隨時派員考察目前已辦者共八十四屬每屬各設警局每局率設正副巡長各一員巡目多者五六名少則二三名巡警多者五十餘名次者三四十名少者一二十名通計全省共設正副巡長各一百三十八員巡目凡二百一十四名巡警凡二千二百五十七名其未設各屬因地處極邊或初設縣治現由道

督同籌辦當可次第興舉惟巡警皆隨時選舉未受相當之教育警員亦多就地擇人實鮮專門之智識欲力求進步自非設學儲才不爲功爰遵前督臣錫良奏案於會垣改設高等巡警學堂先辦簡易科附以教練所並飭各府直隸州各設一教練所悉照部章組織課以必要之科學及現行之章制省垣簡易科生計五十名限以一年畢業其附設教練所第一班生凡百二十人已於六月畢業現因籌辦鐵路巡警需人愈多業將省垣教練所酌量擴充招生三百名續開二班仍限六個月畢業至各府州之教練所迭經文電交催均於六月以前一律開辦通計設所十七僅瘴癘素烈之元江附設於鄰近之普洱其餘每府直隸州均各成立一所共選錄學生凡一千四百名開學較早者已畢業一班續辦二班開學至晚之處年底亦可畢業一俟省外學生陸續畢業各屬警政自可切實改良形式精神或當爲之一振此籌辦各屬巡警之大概情形也一日調查人戶總數民政之推行莫不以戶籍爲基礎故籌備憲政以調查戶口爲最要滇於本年二月承准部咨并調查戶口章程當飭巡警道排印通行督屬舉辦先將正附人戶總數遵章調查依表填報因邊省情形迥異腹地漢夷雜處猜疑易生而各屬轄地半多遼闊調查既需時日填報尤虞錯漏數月以來迭據各屬分別造報其中辦未如式或填寫未明者均由道往復駁正延至九月初旬始據陸續報齊綜計全省正戶凡一百二十萬五千三十有六其同住之附戶凡二十一萬七千九百五十有三隨時由道飭查辦法尙屬核實第沿邊土司轄地民多獷愚語文罔通情誼尤隔查報既苦難周脫漏當亦不免現由道督飭覆查務期於明年彙報限內確實填報至調查人口數目原以第四五年爲限現因省垣風氣較開業經該道提前辦理將城內外九區各戶一律遵章編訂門牌即將各戶人口數目調查明確填表報部以爲各屬模範此調查全省戶數之大概情形也臣維預備立憲經緯萬端首在改良政治機關助長人民程度諮議局審判廳之設固屬改良機關之要圖而籌辦自治調查戶籍尤爲助長民政之根本至警察之設施雖無積極助長之作用苟措置悉協機宜維持社會亦即以保衛閭閻演處邊隅民智固塞論地方之僻遠進化之遲滯幾難與腹省同風今幸 明諭迭頒官民感奮自籌憲政以來各司道局處均各恪體 聖慈勉勉經營當庶政之畢張實始願所不逮臣雖暫時護篆惟有協助官紳愈加奮勉辦事務求實際開支力戒虛糜仰副 朝廷勵精圖治實事求是之至意除將應行咨送表冊章程分咨憲政編查館民政部查核外所有籌備憲政情形理合恭摺具陳伏乞

皇上聖鑒訓示再此次因籌辦自治巡警暨調查戶數各事須俟各屬稟報到齊由該管局道彙報到臣始克具奏是以稍遲合併陳明謹 奏宣統元年十一月初三日奉 硃批該衙門知道片一件併發欽此

### 公牘錄要

護督憲崔據北洋大學堂詳需用各種礦質請分咨購寄咨行各省查照文

爲咨呈事據北洋大學堂監督蔡守儒楷詳稱竊查北洋大學堂內設採礦冶金學一門一門之中又以採礦冶金分爲二類採礦以陳列標本爲要義冶金則以分析五金爲要義故於是門既設地質陳列室又設試金室一所以應用材料皆購自歐美各國而於本國五金礦產轉致闕如非所以研究本國礦學之道現查有東三省山東雲南貴州四川等省開採五金各礦歷有年所由堂購運實非易易惟有擇要開單呈請憲台分咨各該省督撫憲按照所開礦質數目飭令各該局所代覓郵便從速運寄天津北洋大學堂查收以應該門試金實習之用所有購價及寄費先由各該局所墊付一俟收到即可如數匯還所有北洋大學堂採礦冶金學門需用各種礦質理合開單具文詳請鑒核分咨等情到前部堂移交到本護督部堂准此除批詳單均悉仰候分咨各省轉飭查照單開礦質數目代覓徑寄該堂應用此繳等因印發外相應咨呈 貴督謹請查照辦理施行

一山東省招遠縣金礦質三千觔 一貴州省鉛礦質四十觔 一雲南省銅礦質四十觔 一東三省金沙一兩

### 直隸禁烟總局通飭各府廳州縣續訂各項罰章一律照辦文

爲札飭事案查本局於宣統元年十月十五日具詳 前督憲端內稱竊職局辦理禁煙事宜以查禁私種私賣私吸爲當務之急而緝私之方尤以信賞以勸巡查嚴罰以儆違犯爲要義近時職局檢察一課重加整頓督飭巡員嚴密查拏一月之間抓獲私賣私吸及開燈供客等犯計共五十餘起均經解送天津巡警總局提訊判罰在案惟職局原訂罰款暨充公提賞章程多未完備辦法每涉紛歧若不詳加規定通飭各屬一律遵行竊恐各地方官意爲輕重辦理參差殊無以垂炯戒而昭公允本司職道等詳稽 政務處 民政部 度支部 各項奏章以及職局前經詳定各條凡關於私種私賣私吸三項罰章其定有明文者仍之其未經規定者補之現已訂成專章並另釐訂罰款提成充公充賞章程庶幾判罰者得所遵依違禁者知所儆懼而信賞必罰各巡員亦有以激勸矣惟是

地方至廣耳目勢所難周人類不齊冒詐或亦不免故於章程特訂局外首告之條出示嚴禁藉端招搖之弊且拿獲之案概送警局訊明判罰罰款不由職局直接經收嗣後所辦案件所收罰款除按季彙報憲台查核外每月終仍將案由罰數榜示局門以供衆覽而昭信實所有續訂私種私賣私吸三項罰章暨罰款提成充公充賞章程謹分別繕具清摺呈請鑒核如蒙批允卽由職局移會南北段巡警總局並張貼曉示通飭各屬一體遵行是否有當理合備由具呈伏乞察核批示祇遵計詳呈清摺二扣等情於十月二十六日蒙 護督憲崔批開詳摺均悉所擬各條尙屬允協應准照辦仰卽分別移行張貼曉諭並通飭各屬一體遵照辦理等因蒙此除張貼曉諭並分別移行外合亟將詳定罰章並罰款分別充賞充公各數目照刊清單專札特飭札到該 卽便遵照出示曉諭自奉到此項章程之日起嗣後獲有私種私賣私吸各案均須按照新章判罰不准絲毫通融以重煙禁其提成辦法亦照此次規定數目辦理具報毋違切切此札

### 直隸出品協會同津海關道詳展覽會售賣貨物援案請免稅釐文並批

爲會詳事竊照直隸出品協會擬在公園陳列所暨借用學會處開辦展覽進行會自十一月初一日起至二十九日止專就本省出品陳列展覽所有進出口各貨聲明援案請免稅釐業經會同協贊會詳請 前督憲端批准在案所有會中物品分別售品非售品兩項以備逐件檢查爲明年運赴南洋比賽之根據查各國展覽開會原係爲提倡工業鼓舞衆商起見所有售品均准免納稅捐天津迭次開辦 皇會嗣於光緒三十二年十月分工藝總局新考工廠開辦勸工展覽會均經稟奉 前督憲袁批准免納稅釐有案查此次徵集出品係奉 旨協助南洋勸業屆時運赴南洋各賽品遵奉 諭旨分別豁免稅釐現在本省開會展覽事同一轍擬請援照勸工展覽會成案將進口土貨悉予免納稅釐其出口貨除價逾三十兩者仍照章完納外所有不及三十兩者一概豁免由會會同關局照案刊就四聯免照協同關局委員驗明發給以期招致精品庶於明年運賽事宜可資鼓舞本司職道等爲策勵工商起見業經往返函商意見相同理合擬具簡章詳請 憲台察核批示祇遵所有出品協會開辦展覽進行會援案請分別免納稅釐緣由謹合詞備由具詳伏乞 照詳施行實爲公便再此件由出品協會主稿合併陳明

附呈簡章 一展覽進行會既專收土貨不收洋貨所有會場進口土貨持有會場四聯免照者免納稅釐其洋貨概不准夾帶影射如查有前項情弊將貨充公 一由本會會同鈔關釐局刊印四聯免照第一聯發給商人收執

第二聯鈔關存案第三聯釐局存案第四聯本會存根此照由會場發給商人不在展覽進行會者不得沾此利益

一進口貨在開會前三日到會場報名發給免照以憑查驗惟遠地商人與本會或不相識者應先覓有安實舖

保再行領取執照以防冒領之弊如該商無從覓保應請會場轉咨關局確係入會之貨方准放行 一展覽進行

會免收稅釐之事由關道釐局派員會同會中執事員辦理凡係會中所售之貨均貼展覽進行會小票並加蓋關

局委員圖記如買主實係販運出口者即於購貨時在本會場自行聲明會中發給執照俟該貨運出關卡時驗有

前項小票圖記方准放行惟自領照之日起限定十天以內出口照免過期作廢 一閉會後所有會場餘存之貨

由稅釐委員會同會中執事員逐件粘貼小票加蓋圖記限十天以內原貨仍出原口一律免納稅釐惟出他口或

過期均不免且出原口時較進口時祇許減不許增如有影射查出充公該貨如留在津埠銷售應聲明補繳稅釐

一展覽進行會宗旨專為搜羅精美新式之品陳列貨樣以動人工業思想凡係預備運賽之非售品每種貨色

應以一二件為限如係售賣處出售之貨估價在三十兩以上者由稅釐委員就近照章徵收其不及三十兩者一

概免收 一凡請領進口免照者該貨到口應由關卡查驗單貨相符立時放行該貨應一直提運到會眼同拆驗

如有中途轉入行店私自改拆原封者應照補稅釐 一本會所擬規則均作為試辦如臨時有窒礙之處應由本

會總理處與稅釐委員妥商辦理總以不肯本會宗旨而又無礙 國課為要

護督憲崔 批如擬辦理仰即遵照摺存此繳

### 文告錄要

督憲批示錄要○宣化黃鎮稟都司張鴻年暗中干預煤密稅務情事可否暫行撤任交口北道照例擬辦抑或解

送營務處辦理請示遵由 批來牘并單摺閱悉懷來縣屬客戶聚眾抗稅迭經分飭嚴緝首犯郭珍等懲辦在

案茲據稟稱現署懷安路都司張鴻年前在懷來任內私營煤業茲復擅離職守私往八寶山等處與密戶聚議

實屬不合自應如擬暫行撤任希即會同口北道查明有無主使抗稅情事詳覆核奪并候札行口北道礦政調

查局查照批繳

藩台批示○良鄉縣莊頭紀德恩呈

批紀秋等如果實有盜賣差地情事該縣不能不秉公訊追何致反將爾父

管押詞不近情顯見別有糾葛應不准理

直隸出品協會公啓○敬啓者敝會係奉

旨協助南洋勸業出品所有徵集各項悉照南洋勸業會刊定分類

綱目按部搜羅力求美備前經派員按屬調查凡天產工藝各門業已陸續運送到會查南洋賽會雖以勸業命名而綱目所載實係全國普通賽會部分類晰不厭精詳除開載各項尚有全國所未備者不得不姑從缺略其餘關於國粹以及全省收藏各物似須廣爲徵求以免運賽時貽譏隕越素仰大君子閱閱高門收藏宏富爲珂鄉所矜式亦酌古而斟今爲特函懇台端務請照綱目所載所有直隸前代名人著作以及收藏金石字畫碑帖各種當搜至道光年代爲斷可以運賽之物俯送到會不特敝會之光榮抑亦全省之名譽如蒙俯允當由敝會泐具收條並代爲敬謹珍藏以昭慎重明年四月南洋開會時或邀大君子親蒞該會隨帶珍藏各件亦無不可惟望先賜一音並開列各種名目一則明年北洋別館中可以預備陳設一則敝會亦得有所稽考事關公益用敢縷陳清聽尙祈淵察是幸專泐奉布敬請台安惟照不備 謹徵集各種國粹就直隸全省世家大族向有收藏各物者開列請照通信法一一徵求科員係外省人所知所聞實屬有限擬將政界一部分由政界開示學界一部分由學務處開示商界工界兩部分由商會工藝局開示總之補救方法愈多愈妙是所深望於 諸君子者耳 天津一埠 嚴範孫侍耶 穆宅 孟定生 振德店黃 益照臨店張 益德店王 土城劉 楊少溪鼓樓東 李子明鼓樓西丁家胡同內 李芷香 保定蓮池掌教賀松坡 定州王 北京打磨廠新開路同仁堂藥均士 三河縣郝 北京楊梅竹斜街福興店問冷正耶 大城縣王 楊柳青石 南宮縣郝樹人 豐潤縣張 滄州劉 南皮縣張 靜海高 蔚州康 萬全縣霍 樂亭劉 西甯縣金 青縣陳 棗強縣王 棗強縣鄭 懷來縣杜

電報錄要

路透電○比利時國王逝世時遺囑甚長并與其子遺產十五兆佛郎

又電○考查海軍大臣現在法國森納薩爾地方參觀一切

又電○法總理法利爾氏邀請中國考查海軍大臣小宴

又電○英國依洛班克公所總理答覆禁煙會議員時宣讀由殖民公所接到之電謂現在香港與南洋羣島一帶洋藥貿易甚為減少若推行禁煙之事西倫島洋藥貿易亦可勒令減少并言茂爾利勳爵曼圖勳爵克魯勳爵與外部大臣葛雷氏代表全國辦理此事若中國能辦有實效英國須速將印度洋藥貿易禁止

又電○英內閣議員八人上議院議員十一人昨晚會議將對於政治之意見書宣布英議員在巴德希亞演說痛詆上議院眾議員不應贊成克魯米爾勳爵在士斐洛德地方演說催促自由貿易問題并協助聯政黨以便補救政治云

柏林電○俄外部大臣依烏洛斯克氏聲明外間傳聞該大臣將德國隱謀反對俄國在遠東政策曾經宣布之說並無其事并言現在德國對於俄國睦誼甚厚

又電○德國北德報更正俄報之言謂德政府將駐哈爾濱署領事道米洛爾氏更調與俄德交涉問題並無關涉又電○德國布蘭威克聯邦監國大公爵擬偕其夫人乘坐北德公司輪船約克號往新嘉坡暹羅遊歷在該等處居住兩星期於西三四月至蘇門答拉扎瓦膠州大連等處遊歷然後取道西比利亞回國其是否再往他處遊歷尙未定議

又電○德皇電致比政府吊慰

又電○德皇邀請英國議約專使喀塞洛氏小宴

## 新政紀聞

政治

司法科訊判案件簡章○蘇垣警務公所奉憲設立司法科擬定章程專司裁判入路拘送案件及一切違禁罪犯隨時訊辦其情節稍重或人證未齊須由縣訊者發縣收審至本所懲辦各犯或發所拘留或罰作苦工或枷號示衆每日中晚兩餐由所備給發往各路作工者由拘留所巡員點交清潔課員卽由該課員加給每人每日點

心錢二十文以示體恤此項點心錢文在枷犯飯食款內開支不准絲毫尅扣俾沾實惠審判各案內偶有因事申訴者須親自來所遞稟聽候裁判員分別准收與否隨時察酌核辦概無稟費堂費名目具稟不得由號房聽事及探捕隊勇人等傳遞以杜弊端倘有需索情事准指名稟控立即說明斥革責懲云

山東諮議局議決案○議決寬籌駐防旗丁生計營業辦法二條 一駐防例禁旗人出外一月後即報逃是以凡

隸旗籍者不敢擅自離營今既爲旗人寬籌生計凡欲出外營謀生活者應請撫台援照光緒三十四年直藩增韞奏推廣旗丁生計摺內另片請准旗丁出外謀生刪除舊例一節申明成案通行青德兩營遵照辦理 二山

東各學堂及工藝局研究所亦應增設旗生學額俾得滿漢雜處融化吟域而增智識 議決墾務改良辦法四條 一宜令地方官會同公正紳士辦理不必另派委員既可節省經費民間亦免騷擾 二常年收入數目宜

榜示開墾地方使人通曉其收入款項一半歸墾務局下餘一半作地方辦公之用蓋荒場本爲公共利益若概事提款易生阻力以宜留其一半作地方辦公經費庶幾人無怨言 三牧羊荒山地方可作爲地方公產不必

令人民認租蓋墾區農人本以牛馬牧畜爲耕作上最要之需春後牧牛多惟荒山是賴若一概令人認租作爲私產甚不利於土民宜令本地方官紳任人開墾種樹其所得林業利益就地辦公則聽其自便並令地方官紳

妥善保護庶杜恃強欺弱之弊 四凡已辦墾務之處請將從前委員報告墾務數目及每畝地價租價清單頒佈原處俾衆週知

### 財政

議事會請款公決○天津縣議事會於初五日下午四鐘餘復行開會全體議員到者十五人首議錦衣衛橋民立五十四小學堂請補助案既據董事會勸學所調查報告該學堂成立年限雖淺而經費頗省成績又優公決補助二百五十元又議穆家莊民立第八小學堂請款案據董事會勸學所調查報告該堂不但成績優經費省即常年經費多出自紳捐共計學生一百二十餘人每年除由紳捐外尙虧三百五十元公決每年補助三百五十元迨至閉會時已六鐘矣

電覆籌還國債會事○天津商務總會日前又接到重慶商會覆電云有電悉國債問題關係全局朝野臣民均有責任貴會發起具見愛國熱誠竊以茲事重大須先從國家出入度支暨各省丁糧鹽課稅釐雜捐等項澈底清釐分別浮濫除一切公費作正開銷外不敷實需若干和盤托出俾釋羣疑而昭衆信籌還方有著手地步管見

及此不識高明以爲何如餘候草章寄到再議又接廈門商會覆電云有電敬悉候草章到開會議覆又接南甯商會覆電云宥電知悉愛國熱誠溢於言表佩極當力任提倡又接成都商會覆電云會電悉聯合興辦籌還國債會做會極表同情候奉草章後再函覆

實業

會場行車宜循路線○天津河北公園展覽進行會昨日昨懸有牌示云自月朔開會以來所行各車日見其多惟並未指定方針以致難循路線今擬議定規則仿照都會場辦法一出一入各定路線自入園洞門後宜按警章靠左邊走由展覽陳列所牌坊進門經教育品製造所教育品參觀室暢觀茶樓至勸工陳列所願入觀者略爲停頓閱畢登車再由學務處經過拋球場後折而西順路過大橋復經舊津浦鐵路總局至學會處即售品所凡入觀者略停驂覽畢登車然後由藩臬公所前而出果按此路而行園全景亦可瞭然目中矣不許任意妄肆馳驟庶游客便於暢行不致擁擠無論馬車轎車人力車自行車悉照如此辦理所定路線即屬方針此本崗警專責宜責成守門巡警一遇車到明白指示如係自己之車車主亦應約束御者照章而行不得胡行亂走四通八達對面交馳如敢不循線路有違警章定行送究決不姑貸懸牌諭示俾衆週知

新委任所以防火險○直隸出品協會現屆開幕之期適值隆冬風多雪少天乾物燥售品所中出售各品堆列幾滿煤油洋火尤宜倍加小心格外留意店號衆多誠恐稍有疎失一家失慎大家隨之刻已遴委張君聘卿特住售品處專防火險以期周密而免疎虞

函賀展覽會之成效○駐津荷蘭博領事致協贊會錢協理洋函一件譯登如下 敬啓者本領事今晨游覽公園內之工業陳設所即展覽進行會趣味殊多實深欣幸因特專函奉賀貴會之得告成功並聲明本領事所最爲注意者尤在陳設之各種棉織布疋不久可與列強爭競於商場矣專此奉達順祝 中國工業前途无量荷蘭領署第一千三百三十九號公函 博里向謹具


展覽會來賓誌盛○初六日下午爲天津河北公園展覽進行會招待女賓之期統收入場券計達一萬五千以上而女學生猶不在列可謂盛矣是日天氣晴和風不揚沙女校中如女子公學女子小學北洋女師範學堂諸學生先後蒞會北洋師範校生尤爲整齊端肅而人亦最衆計五十六人衣服徽章一律如式由副學監凌君偕同入場後由會中招待員陪往各處參觀約一時許入優待室小憩款以茶點旋至售品所游覽一周而不出雇車輛排隊步行歸校此足徵女學之發達而會場之陳列秩序有條不紊足以鼓舞羣情者於此亦可見一斑矣

附錄議案理由書

一限制銅元修正案理由書 銅元之害至於今日朝野上下奔走號呼急圖補救然推原其始非爲補救錢荒乎昔日之補救曾幾何時其弊如此踵而補救猶不爲久遠之謀能保其愈於前乎昔之造銅元也借救錢荒之名因緣爲利已背初意今其弊如此非州縣日號於其側當事者或猶不知其所籌補救之策如各省停鑄如洋關查禁皆屬必不可易然僅治其標而未及其本非盡善也治本之法先定幣制此亦人所盡知然幣制何以能定幣制定而欲上下皆無所損聖人復起恐無此智無已則聽之乎聽之不可則終有必出之一途何也曰損上值司農仰屋之際以損上之說進必責以不識時務然試問國幣之通行非恃信用力乎失其信用不能操縱於國中而外幣屢入且將意爲軒輊此後之患恐更甚於今日欲求信用必先畫一畫一之道凡各省所鑄銀元銅元一律認爲國幣不以省界歧視至於元滿用元角滿用角此論固屬不磨以吾聞之中下之家有存銅元數十千者將盡棄之乎一邑之中有經年未睹銀元者能徧給之乎由前之說非收回銅元不可由後之說非多鑄銀元不可各省所鑄之銀元可以調查實數銅元不能調查實數驟語收回鮮不失驚吾謂無慮也國幣既定銀塊不能通行準銀元之分兩以易足銀輕而易舉惟地丁關稅向以兩計者亦須通改國庫以足銀鑄九三之銀幣所餘已多以加鑄銀元之所贏抵收回銅元之不足或竟兩平即有不足國庫鑄銀幣一元即鑄小銀元九角銅元十枚附以鈔票一元一本位一補助一代表兩虛一實永遠通行全國幣制從此畫一鈔幣營業之利且不可勝計幣非物也一國之幣斷不能互相交易聽其自爲漲落惟國家不失信用則轉輸無窮宗旨既定一切辦法臨時詳訂總不使小民大受損害即政府亦不至多所虧耗或疑外債交涉全用銀元必有窒碍是又不然各國幣制權祇能施之於本國鄰國交通或贏或絀恒視商業之盛衰彼豈真用他國之幣哉受而出之也易則平等以受之受而出之不易則抑勒以受之而究以幣之主國爲尾閥今欲劃一幣制而先慮外界之阻是因噎廢食也且金幣終須鑄造而外債亦豈能久借若欲兼權美善恐終無此長策惟銅元以下尙須有小補助品從前之制錢分兩太重本末失宜擬請政府作爲銅斤收回不視爲幣而視爲銅方與另鑄小補助品無礙今日銀價以銅元準之貴矣若以金鑄較之其賤已甚外人之抑我不始自今不早改圖終必大困或有以政府以七錢二分之

銀元易銅元百枚受損過甚爲言者獨不思昔日固不待百枚而已取人之足銀八九錢耶且停鑄查禁兩者並行則彼此漲落亦必相去不遠目前以損上爲名行之既久則上下均無所損至於執行機關端在銀行愚見如是姑舉大略以備甄採 段慶熙

一試行普及教育方法理由書 今中國在危急存亡之秋矣欲從死中求生不外橫張陸軍與普及教育兩途教育普及則民智開十氣盛雖國破猶可復完法之於德其前事之師也教育不普及則補苴新政而埃及卒亡於外債仇視統監而高麗終難於恢復殷鑒不遠可爲寒心茲按 學部分年籌備事宜益以己所經驗舉其切實易行者條列方法以待公決 一增設學堂明年爲城鎮鄉地方自治續辦初期以蘇省初等小學生平均計之每一自治區域至多不能過兩校每校不能過四十人是所謂自治者特名而已欲求實際要在增設學堂謹舉類如左 甲設簡易識字學堂 國家文化之進步其實際全在歲增多數解識字義之兒童此項學堂設後貧家子弟一能節省腦力二能縮短畢業年限三能使父兄易於培養而人人具有必需之知能道德所謂義務教育也部章定各廳州縣今年成立現已遲誤明年總以多設爲是 乙設半日學堂子弟之尤貧苦者在學齡期內不受教育則將來生活力薄弱非特一己卽社會亦受其累然家庭多不得已之事故勢難終日到學故設此項學堂以圖兩全 丙推廣兩等小學此待兒童之畢業初等小學欲入縣高等及連區鄉高等小學而額滿見遺或貧苦無力籌備膳費者部章定今年推廣明歲應妥慎辦理否則通省各初級師範學堂中學堂及含中性質之學堂將有招生不足之慮 丁設蒙養院此爲初級以上學堂之基礎惟須略識保姆學之女士一人主持其間其辦法有三 一兼收上中戶之幼兒此則風氣開通之地方能行之 二專收紳富之幼兒此則地方風氣未開需行政官及主任學務者極力勸導 三專收貧苦不能自存之幼兒此以育嬰堂改爲之將固有經費養原有幼兒既無各方面之牽制卽可參照各國成法根據學理盡力試辦但得實心慈善家管理其事必有速效 戊女學日本初等小學原有男女合教之辦法蓋所以爲學理上人類均等上地方財力艱難上計者至周密也我國學部定章男女分別辦理謹擬辦法如左 一獨立之女學此在民智漸開財力較厚之地方行之 二附記之女學男子初等小學中附設女學生班此財力較絀之地方行之 已附設宣講所此爲社會教育



天 津 金 華 橋 西 兩 岸 全 景 之 圖

# 天寒病劇

杭州學堂教習自述患風溼骨痛如何爲韋廉士大醫生紅色補丸所治愈

時屈冬令天氣潮寒其疾卽由不潔之血而起以致痛苦異常莫能忍受而其疾之最劇者莫若風溼骨痛腰背痠疼外感風寒筋系刺痛肩膊骨節頑硬背肉四肢疼痛等症其疾既由血薄不潔而起則欲療治其疾必先清理其血使藥力直達血中而後可韋廉士大醫生紅色補丸有補血生血之功能使血稠濃鮮紅以驅除其血中之毒故嘗醫治腰背疼痛風溼骨痛腎軌痠痛筋系刺痛以及相類等症已不下數千萬人矣茲有杭州中學堂教習劉永



杭州劉齡君來函云○余腿患風溼每逢陰潮天氣其痛尤甚而又發腫步履艱難永齡君試多藥內服外擦非徒無益且日加重後從友言試服韋廉士大醫生紅色補丸至今大獲全愈步履安詳身軀爽適余深感製此補丸之大醫生無溼爲韋廉士大醫生紅色補丸自創製以來已歷醫士大二十餘寒暑盛行於天下各國矣間嘗醫治無風溼骨痛腎軌痠痛腰痛疼色補丸痛筋系刺痛諸症又曾醫治胸膈疼痛癆病初起感冒風寒等疾是丸亦爲所治愈天下著名能醫治 血薄氣衰 諸虛百損 少年虧喪 陽萎不舉 腦

筋衰弱 胃不消化 肝經各病 背骨疼痛 頭目暈眩 左癱右換 腳氣衝心 跳舞瘋病 乾溼癬癩 癩癬疥疹以及皮膚諸症服之莫不立奏奇效又爲醫治婦科各症之聖藥卽如經水不調無故哭笑一服是丸諸恙悉除誠有補天浴日之功也 韋廉士大醫生紅色補丸中國各處商店藥局凡經售西藥之處均有出售或直向上海九江路B字第八號韋廉士大醫生藥局中國總發行處購買亦可 價銀每六瓶八元 每一瓶大洋一元五角 遠近郵費一律不取

上海九江路B字第八號韋廉士大醫生藥局啟

商務印書館出版各書上海總發行所

分館

發售

欽定大清會典事例全書 版式大小謹遵 商務印書館恭印

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已覺再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯是書自日本開國會始至今日止凡二十五期其初蒐無故事朝野皆奉一憲政爲準繩爲國爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津商務印書館新書出版

天津分館開設河北大胡同電話五百二十六號

# 天津商務總會代收兩湖吉林水災賑款數目及各善士銜名第五次

## 報告

安平縣正堂代募第九十三號冊共助洋六十九元 安平縣正堂董二十元 董太太十元 董大少爺 董四  
 少爺 董五小姐 董四奶奶 董孫少爺各助洋二元 刑幕陳 錢幕陳 副刑幕陳 副錢幕陳 董房吳  
 副眼房吳 收發處 戶北科 房南科 安平縣右堂李 縣馬巡弁王 儒學雷 訊廳傅 城內高等小  
 學堂長李 教員李 北關高等小學堂長王 教員鄭 教員何 勸學所總董劉 統計處張 自治研究所  
 王 巡警總董劉 巡官佟 銀行頭 衆貨行 衆錢行各助洋一元 禮科 兵科 勸學員陸 殷韓 模範  
 小學堂教員徐各助洋五角 安平縣鹽總店代募第九十四號冊共助洋十九元 義泰昌總鹽店十元 高竹  
 舟門櫃鹽店 角邱鹽店 傅莊鹽店 馬店鎮鹽店 萬興質舖各助一元 西關首區區長段 警董郭 教  
 員王共助洋五角 城內中區警董秦 區長陳 教練所教周楊各助洋五角 赤城縣正堂代募第一百六十  
 七號冊共助洋三十二元內有站人洋六元加色五分 赤城縣羅秉真助洋十元 勸學總董王士秀 馬小學  
 堂長張澧 司事劉世澤 教育會長張濱 巡警分區總董馮志學 鄭奐周 王敬卿 劉鑑卿 馮晉吾  
 吳梅挺 孫叔莊各助洋一元 巡警總董張大本 杜官俊各助一元五角 勸學員饒昇泰 宋華靜 松盛  
 號 福成店 永元昌 祥成店 逢源店 松盛凝 松盛長 祥順成 隆泰亭 公益局 亨和永 張懷  
 義 程啓泰 張連桂各助洋五角 赤城縣鹽總店代募第一百六十八號冊共助洋二十六元 獨石口督銷  
 分局二十元 武裕齋助洋四元 謝少雲助洋二元 以上統共助洋一百四十六元五分 天津救急善會具

## 天津勸工陳列所廣告

謹將本所十月分遊覽人數并代售貨品件數列下 優待票共一百五十二位 入覽客票共七百二十三位 四次

禮拜五入覽女客票一百三十三位 代北京工藝商局售出貨品一件 代北洋官報局售出貨品二件 代天

津實習工場售出貨品一千五十五件 代天津益豐成售出貨品六件 代天津芝蘭香公司售出貨品一百九

十七件 代天津造胰公司售出貨品一千件 代天津公興造胰公司售出貨品五百件 代天津公益造胰公

司售出貨品七百二十三件 代天津合記造胰公司售出貨品一件 代王紫鵬售出貨品三件 代民立第川

工廠售出貨品二件 代四川勸工總局售出貨品四件 天津勸工陳列所謹啓

# 新 啟

告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設  
 新廠自丁未臘月新廠開機以來出貨加增行銷愈廣灰質經本廠西洋化驗  
 師悉心研究精益求精會寄由德國國家栢林及日本關東都督府各化驗所  
 驗得動力堅力及凝結時刻灰之粗細均合要工所用其成色與外洋最高之  
 貨相等尚有機器製造之紅磚花磚洋灰瓦水溝管矸子土等項無論躉零交  
 易均可本公司總理處設在天津海大道英租界並在北北京奉天大連烟台牛  
 莊青島上海漢口南京鎮江各埠均設有經售處如蒙賜訂大批價值從廉  
 交貨不悞期限所有洋灰及各種磚瓦等件重量式樣大概用法另刊有華洋  
 文廣告 光顧諸君請向本公司索閱面議一切可也

總律風一千三百零九號

# 利 文

本行開設天津上海香港志呢華海參議等處均設立有年諸班貨物由外洋本機器廠自造  
 蘭洋鐘皮套鐘天文坐掛等鐘以及金銀夾金銅鋼等表約有二百餘宗並各樣表鍊金鑽珠寶  
 鑽石戒指耳墜鑲子表簾大小八音盒並留聲話匣單雙桶千里眼磁蘭磨花穿衣鏡梳梳洋鏡  
 大小皮包法國洋號又新到轉盤換調器匣八音盒價值格外從廉仕宦官商光顧者請移玉紫竹林法租界本  
 行面議可也

本行主人啓

# 瑞林祥元記

本號開設北京前門外鮮魚口 天津估依街中間路北 山東濟南府院西路路北自置調  
 製紗羅頭織純蟒洋貨疋各色喇哩厚呢京廣什貨俱全貨高價廉劃一不二後廳內專售  
 綠貨織絨袍料衣包被套口袋線毯毛毯零賣均照行價發兌中外 紳商賜顧移玉是幸  
 瑞林祥元記具

# 武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額  
 磁銅料器瑤藍 奇巧美術玩器 學界文房用品 旋行携帶等件 精工變身物料  
 定織各色氈氍 現又擴充樓房 極其寬闊高大 如蒙官商光顧 價值格外從廉  
 本行隨便入覽 電話一千三百七十四號 天津法租界 武齋洋行謹啓

# 督署兩等小學招生廣告

**一 宗旨**

以合教官紳士民子弟為主不分省界

**二 地址**

在督署後天緯路北

**三 學級**

本校分高等初等兩級

**四 課程**

高等國文 歷史

地理

格致 算術 手工 音樂 英語 體操

第三年第一初等

讀經 國文 算術 音樂 團畫

體操 第二學期添歷史地理

**五 年 齡**

高等以十四歲以下十一歲以上為合格

初等以八歲以上十一歲以下為合格

**六 學 費**

免收

**七 膳 費**

由本堂備午膳不收費

**八 書 籍 操 衣**

不在堂內用膳者聽

**九 資 格**

高等以能作短文為合格

初等以能識字能寫字為合格

**十 卒 業**

高等初等均以四年畢業

**十一 獎 勵 均 遵 部 章**

均自備

高等生卒業最優等得獎廩生優等獎增生中等獎附生

初等由督帥及提學司考試分數合格由本校發給卒業文憑准其升學

**十二 報 名**

由學生父兄偕同妥實保證人至天緯路北本校報名聽

侯傳考惟本人父兄不得作保證人

**督 署 兩 等 女 學 招 生 廣 告**

一 宗 旨 以合教官紳士民女子為主不分省界

**二 地 址**

在督署後花園

**三 學 級**

本校分高等初等兩級

**四 課 程**

高等國文 歷史

地理

格致 算術 圖畫 女紅 讀經 國文 算術 音樂 女紅 圖畫

體操 第三年第一學期添歷史地理

**五 年 齡**

高等以十四歲以下十一歲以上為合格

初等以七歲以上十歲以下為合格

**六 學 費**

免收

**七 膳 費**

由本堂備午膳不收費

**八 書 籍 操 衣**

不在堂內用膳者聽

**九 資 格**

高等以能作短文為合格

初等以能識字能寫字為合格

**十 卒 業**

高等初等均以四年畢業

**十一 獎 勵 均 遵 部 章**

均自備

高等生卒業最優等得獎廩生優等獎增生中等獎附生

初等由督帥及提學司考試分數合格由本校發給卒業文憑准其升學

侯傳考惟本人父兄不得作保證人

**督 署 兩 等 女 學 招 生 廣 告**

一 宗 旨 以合教官紳士民女子為主不分省界

**二 地 址**

在督署後花園

**三 學 級**

本校分高等初等兩級

**四 課 程**

高等國文 歷史

地理

格致 算術 圖畫 女紅 讀經 國文 算術 音樂 女紅 圖畫

體操 第三年第一學期添歷史地理

**五 年 齡**

高等以十四歲以下十一歲以上為合格

初等以七歲以上十歲以下為合格

**六 學 費**

免收

**七 膳 費**

由本堂備午膳不收費

**八 書 籍 操 衣**

不在堂內用膳者聽

**九 資 格**

高等以能作短文為合格

初等以能識字能寫字為合格

**十 卒 業**

高等初等均以四年畢業

**十一 獎 勵 均 遵 部 章**

均自備

高等生卒業最優等得獎廩生優等獎增生中等獎附生

初等由督帥及提學司考試分數合格由本校發給卒業文憑准其升學

侯傳考惟本人父兄不得作保證人

**督 署 兩 等 女 學 招 生 廣 告**

一 宗 旨 以合教官紳士民女子為主不分省界

**二 地 址**

在督署後花園

**三 學 級**

本校分高等初等兩級

**四 課 程**

高等國文 歷史

地理

格致 算術 圖畫 女紅 讀經 國文 算術 音樂 女紅 圖畫

體操 第三年第一學期添歷史地理

**五 年 齡**

高等以十四歲以下十一歲以上為合格

初等以七歲以上十歲以下為合格

**六 學 費**

免收

**七 膳 費**

由本堂備午膳不收費

**八 書 籍 操 衣**

不在堂內用膳者聽

**九 資 格**

高等以能作短文為合格

初等以能識字能寫字為合格

**十 卒 業**

高等初等均以四年畢業

**十一 報 名**

由學生父兄偕同妥實保證人至天緯路本校報名聽

侯傳考惟本人父兄不得作保證人

**督 署 兩 等 女 學 招 生 廣 告**

一 宗 旨 以合教官紳士民女子為主不分省界

**二 地 址**

在督署後花園

**三 學 級**

本校分高等初等兩級

**四 課 程**

高等國文 歷史

地理

格致 算術 圖畫 女紅 讀經 國文 算術 音樂 女紅 圖畫

體操 第三年第一學期添歷史地理

**五 年 齡**

高等以十四歲以下十一歲以上為合格

初等以七歲以上十歲以下為合格

**六 學 費**

免收

**七 膳 費**

由本堂備午膳不收費

**八 書 籍 操 衣**

不在堂內用膳者聽

**九 資 格**

高等以能作短文為合格

初等以能識字能寫字為合格

**十 卒 業**

高等初等均以四年畢業

**十一 報 名**

由學生父兄偕同妥實保證人至天緯路本校報名聽

侯傳考惟本人父兄不得作保證人

**督 署 兩 等 女 學 招 生 廣 告**

一 宗 旨 以合教官紳士民女子為主不分省界

本局承辦印刷研究

精良近益不惜重資

延聘外洋著名工師

添購新式機器精製

雕刻銅版所有承印

各種紙幣股票等件

圖畫精巧色澤鮮明

紙質堅緻屢蒙中

外官商照顧頗如獎

譽茲為推廣招徠起

見自本年起承印各

項價目格外減讓以

副官商雅意如蒙

賜顧請至本局賬

房面議可也

### 催繳甘賑捐冊廣告

查甘賑捐冊尚册有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

### 工商演說廣告

啓者十一月初三日晚八鐘至十一鐘仍借東宣講所內演說工商各項要理並請韓鏡湖先生演說流質上下側三者壓力之功用紀管濟先生演說立憲國之國民有擔任國債之責任宋則久先生演說工商研究之要素務乞 各工商屆時 惠臨入聽不取分文特先佈告  
天津勸工陳列所謹啓

### 助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

### 鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請 督憲奏獎外理合登報鳴謝以為樂善好施者勸  
天津廣仁堂謹啓

### 天津南開私立第一中學堂招考

新班學生  
考期一在本年十二月初六日上午一在明年正月十八日下午